


3565



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: A- 1060/21

Sarajevo, 03.12.2021. godine

BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA
SARAJEVO

Na broj: 01-04-40137-13/21 od 18.11.2021. godine

PREDMET: Zastupničko pitanje zastupnika Elmedina Konaković, odgovor, dostavlja se

Kantonalnom tužilaštvu Kantona Sarajevo dana 23.11.2021. godine, od strane Predsjedavajućeg Skupštine Kantona Sarajevo, pod brojem 01-04-40137-13/21 od 18.11.2021. godine, dostavljeno je zastupničko pitanje zastupnika Elmedina Konaković, postavljeno na nastavku 44. Radne sjednice Skupštine Kantona Sarajevo, održane dana 17.11.2021. godine, koje glasi:

“Zašto još jednom ignorirate Skupštnu Kantona Sarajevo? Prošlo je više od 5 mjeseci od inicijatve da uradite nešto konkretno po pitanju ubistva A. Kapidžića. Niste nam odgovorili na konkretna pitanja na sjednici na kojoj smo razmatrali izvještaj o vašem radu, sastanak sa resornim ministrom nikad niste održali. U međuvremenu smo dobili nove informacije koje ukazuju na ogromne propuste u istrazi. Podsjećam vas na neke detalje: Samoubistvo je jedan od počinioca izvršio tako što je pucao DVA puta sebi u glavu. Svjedoci su tokom suđenja govorili o 4 počinioca, sudilo se samo trojici. Svjedok je tokom suđenja tvrdio da u sali nema vozača koji je upravljao vozilom. Vještačenje gospodina Žuje koji je tvrdio pod kojim uslovima je navodni počiniac mogao držati oružje u rukama. Vaši stavovi kako se zakonodavna i izvršna vlast ne treba baviti konkretnim predmetima je ispravan, ali u zemljama koje imaju neovisno pravosuđe. Da smo mi posmatrali vaš rad i rad vaše prethodnice, neki bi slučajevi do sad bili zaboravljeni, a počinioci bi spavali mirno. Tražim HITNE odgovore, a obavještavam vas da ću vrlo brzo zatražiti parlamentarni nadzor i formiranje nove komisije za nadzor. Te su komisije mnogo učinkovitije od vas, a neuporedivo manje koštaju.”

Imajući u vidu sadržaj zastupničkog pitanja, obavještavamo Vas o slijedećem:

U krivičnom predmetu ovog Tužilaštva broj T09 0 KT 0146473 19, nakon provedene istrage, dana 13.01.2020. godine, podignuta je optužnica protiv Iglica Armina i Šojko Alema, zbog krivičnog djela pomoć učiniocu nakon izvršenog krivičnog djela iz člana 346. stav 2. u vezi sa stavom 1. KZ F BiH, a sve u vezi sa članom 31. istog Zakona. Dana 14.01.2020. godine, Općinski sud u Sarajevu je potvrdio optužnicu ovog Tužilaštva. Na glavnom pretresu po prijedlogu Tužilaštva izvedeni su između ostalih materijalnih dokaza i Nalaz i mišljenje vještaka medicinske struke dr. Hamza Žuje, obdukcioni zapisnik na ime Kurtić Amel, te je predloženo saslušanje 7 (sedam) vještaka i roditelja oštećenog Kapidžić A.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosuđe.ba

Dana 09.06.2021. godine, Općinski sud u Sarajevu je objavio Presudu kojom je optuženog Iglica Armina oglasio krivim i izrekao mu kaznu zatvora u trajanju od 2 (dvije) godine i 6 (šest) mjeseci, dok je optuženog Šojko Alema oslobodio optužbe. Pismeni otpravak navedene presude ovo Tužilaštvo još uvijek nije zaprimilo.

U odnosu na navode zastupničkog pitanja koji se odnose na dokaze koji su izvedeni na glavnom pretresu pred Općinskim sudom u Sarajevu, imajući u vidu da je ocjena dokaza nadležnost suda, da je donesena prvostepena presuda, da pismena presuda nije zaprimljena, da postupak nije pravosnažno okončan, to Tužilaštvo u ovoj fazi postupka nije u mogućnosti dostaviti odgovore na postavljena zastupnička pitanja.

U odnosu na navode da Skupština Kantona Sarajevo ima informacije koje ukazuju na ogromne propuste u istrazi, pozivamo Skupštinu Kantona Sarajevo, da u skladu sa svojim zakonskim ovlaštenjima obavijesti nadležne institucije o eventualnim propustima, odnosno Federalno tužilaštvo F BiH, koje vrši nadzor nad postupanjem u ovom predmetu.

S poštovanjem,

